

Amaloota Gabroota Ar-Rahmaan-Kutaa 6

Description

Kutaa darbe keessatti amaloota gabroota Ar-Rahmaan keessaa badiiwan gurguddaa irraa fagaatan ilalle jirra. Aayan armaan gadi immoo badii gurguddaa fi xixqaa hundarrraa fi wanta faaydi hin qabne irraa akka fagaatan ibsuun wanta darbe nuuf guduunfiti.

وَالَّذِينَ لَا يَشْهُدُونَ الْزُورَ وَإِذَا مَرُوا بِاللَّغْوِ مَرُوا كِرَاماً

٧٢

â€œIsaan kanneen Az-Zuur ragaa hin baanee fi yommuu Al-Laghw biraan darban kabajaan darbaniidha.â€ Suuratu Al-Furqaan 25:72

Aayah tana siritti hubachuuf hiika jechoota, â€œeshahida, az-zuur fi al-laghwâ€¢ jedhan siritti beeku qabna.

Akka lugaa Arabifaatti hiika â€œeshahidaâ€¢ keessaa tokko â€œargamuâ€¢ dha. Fkn,akkana ni jedhama:â€œShahida al-majlisaâ€¢ Kana jechuun â€œInni iddo wal-gahiitti argame (He attended meeting place)â€

Ammas hiikni biraa, â€œShahidaâ€¢ jedhu oduu irraa wanti inni dhiyeessu dhugaa akka taâ€™e beeksisuudha. Hiika kana gara Afaan Oromootti yommuu deebisnu, â€œRagaa bahuuâ€¢ jennaan. Kanaafu, hiikota shahida jedhu keessaa, â€œArgameâ€¢ fi â€œRagaa baheâ€¢ kan jedhaniidha.

â€œAz-Zuurâ€¢ jechuun baaxila (soba), kijiba, ragaa sobaati. Tarii hundeen â€œaz-zuurâ€¢â€œAl-Izwiraarâ€¢ kan jedhu irraayyi taâ€™a. â€œAl-Izwiraar jechuun wanta tokko irraa dabuu fi maquudha. Kijibni, baaxilli fi ragaan sobaa hundi karaa haqaa irraa kanneen dabaniidha.

Hiika jalqabaa â€œeshahidaâ€¢(argame) jedhu irratti hundaaâ€™e jechii Rabbii oltaâ€™aa â€œWallaziina laa yash-haduuna-zzuurâ€¢ jedhu, hiikni isaaakkana taâ€™a: Amaloota gabroota Ar-Rahmaan keessaa, iddo baaxilli, kijibni fi badiin itti raawwatamu kan warri shirkii fi jallinnaa itti wal gahanitti hin argaman. Gabrooni Ar-Rahmaan osoo achitti waliin hirmaatu baataniyyuu, achitti argamuu fi ilaalu irraa ni fagaatu. Sababni isaas, achitti argamuun qofti maâ€™asiyaa (badii) dha.

Hiika lamaffaa â€œShahida (ragaa bahe)â€¢ jedhu irratti hundaaâ€™e hiikni aayah: amaloota gabroota Ar-Rahmaan keessaa, ragaa isaanii keessatti wanta beekan malee hin beeksisan. â€œKuni dhugaa beeknuâ€¢ jedhanii odeessun, sobaan ragaa hin bahan.[\[1\]](#) Hiikni lamaan armaan olii wanti wal faallessu isaan keessa waan hin jirreef kan wal jabeessaniidha.

Armaan olitti jecha baaxila jedhu kaasne turre. Baaxila jechuun faallaa haqaa kan taâ€™ee fi wanta dhaabbata hin qabneedha. Fkn, shirkiin baaxila. â€œHojii baaxilaaâ€¢ ni jedhama. Kana jechuun, â€œHojii kasaaraa faaydan keessa hin jirre.[\[2\]](#)


Hiikota armaan oli irraa kaane, Gabroonni Ar-Rahmaan iddo wal-gahii dubbii dhoowwamaa ykn hoojii dhoowwamaa of keessaa qabu hundarrraa ni fagaatu. Iddoo namoonni wal gahanii ykn wal-qunnamanii sobaan itti wal morman, wal-hamatana, jette jettee odeessan, wal-arrabsan, maqaa xureessan, itti qoosan, itti sirban, farsoo dhugan, filmii ilaalanii fi kkf itti hojjatanitti hin argaman.[\[3\]](#) Wantoota baaxilaa fi kijibaa kanniin irratti kan hin argamne erga taâ€™anii, sobaan ragaa hin bahanii jechuudha.

Ragaan sobaa jirenya namaa keessatti kijiba irraa gocha garmalee fokkuu taâ€™ee fi miidhaa guddaa fiduu taâ€™ee osoo jiruu, akkamitti gabroonni Ar-Rahmaan ragaa sobaa bahuu? Hundemaa, ragaa bahuu keessatti nama haqaatiif deeggarraa taâ€™uu, haqummaa gadi dhaabu fi yakkamtoota nama miidhan irratti murteessuf gargaaraa taâ€™uudha. Ragaan itti-gaafatatummaa isaa irraa jijjiramuun sobaab deeggarraa fi abbaan murtii haqaan ala sobaan murteessun murtii kan jallisuu yoo taâ€™e, yeroo tokko keessatti yakka gurguddaa lama of keessatti hammata:

Yakka 1ffaâ€“ Ragaan itti gaafatatummaa uumamaa isaa bahuu dhiisu. Kana jechuun dhugaadhaan ragaa bahuun osoo namarra jiru sobaan ragaa bahuudha. Gama kanaan, ragaa dhoksuu irra haall kuni irra badaadha.

Yakka 2ffaâ€“ Ragaa sobaa kana fudhachuu mirgi fi haqni sarbamuu, namoonni qulqulluun miidhamu, gabroota Rabbii irratti daangaa darbuu fi isaan miidhuuf itti gargaaramuudha. Fakkeenyaaaf, abbaan murtii haqaan murteessun osoo isarra jiruu, fedhii lubbuu hordofuu ykn addunyaa irraa faaydaa xiqqoo barbaadun ykn firummaaf dhimmamuun haqa malee murteessa, zaalima ni gargaara, irree nama daangaa darbee ni jabeesa.

Osoo yakka kanniin lamaan of keessaa akka qabu hubatamu baateyyuu ragaan sobaa kijiba uumameedha. Warroota hin amannee malee eenyullee kijiba akka hin uumne Rabbiin subhaanahu wa taâ€™aalaa ibse jira:



â€œKijiba kan uumu keeyyatoota Rabbitti kanneen hin amannee qofaadha. Warri suni isaanumatu kijibdoota.â€ Suuratu An-Nahl 16:105

Kana jechuun kan kijiba uumuu fi sobuu namoota ragaalee fi beeksisa Rabbiitti hin amanneedha. Sababni issas, dhugaa dubbachuu isaanitiif mindaa hin kajeelan, kijiba dubbachuu isaanitiif adabbii hin sodaatan. Isaan warra kijiba uumaniidha.[\[4\]](#) Aayan tuni akkuma agarsiistu, kijiba namoota hin amanne irratti gabaabse. Kijiba kan uumu warroota hin amanne qofa. Gosoota kijibaa keessaa hundarra fokkuu kan taâ€™e, Rabbii oltaâ€™aa irratti kijiba uumuu fi ragaa sobaa bahuudha.

Ragaa sobaa irraa akeekachisuu ilaachisee Abu Bakrah irraa Al-Bukhaari fi Muslim akkana jechuun gabaasanii jiru: Ergamaan Rabbii (SAW) akkana jedhan:

â€œBadiwwan gurguddaa keessaa hundarra badaa kan taâ€™e isintti himuu?â€ Nutis ni jenne,

â€œEeyyen Yaa Ergamaa Rabbii!â€•Nabiyyiin (SAW) ni jedhan: â€œRabbitti waa qindeessu (shirkii), haadha abbaaf ajajamuu diduu fi tola oolu dhiisu, ragaa sobaa yookiin dubbii sobaati.â€• Ergamaan Rabbii (SAW) hirkatanii turan. Ergasii ol jedhe taaâ€™un â€œRagaa sobaaâ€•rra deddeebiâ€™u hin dhiisne hanga osoo calâ€™isee maal qaba jennuutti.â€•[Sahih Muslim 87](#), [Sahih Al-Bukhaari 6919](#)

Rabbiin subhaanahu wa taâ€™aalaa ni jedha:

﴿فَاجْتَنِبُوا الْرِّجْسَ مِنَ الْأَوْثَنِ وَاجْتَنِبُوا قَوْلَ الْزُّورِ﴾

â€œXurii taabotaa irraa fagaadhaa, dubbii sobaa irraayis fagaadhaa.â€• Suuratu Al-Hajj 22:30
Taabota fi uumamtoota biroo gabbaruun (waaqefachuun) xurii hundarra badaa qalbii namaa xureessudha. Dubbiin sobaas dubbii hundarra fokkuu taâ€™eedha. Kanaafu, kana hundarrraa fagaadhaa.

Gabaabumatti, gabroonni Ar-Rahmaan hojii fi dubbii sobaa keessatti hin hirmaatan, akkasumas, ragaa sobaa hin bahan. Isaan warra â€œyommuu Al-Laghw biraan darban kabajaan darbaniidha.â€•

Akka lugaatti, â€œAl-Laghwâ€• jechuun addunyaatti ykn Aakhiratti faaydan isarraa waan hin argamneef wanta haaqamuu fi dhiifamuu qabu hunda.[\[5\]](#) Gabaabumatti, al-laghw jechuun dubbii ykn hojii qullaa faaydaa fi kheeyrin keessa hin jirreedha. Kan akka dubbii namoota gowwaa, waaâ€™ee wal-qunnamtii foonii dhiiraa fi dubartii jidduutti adeemsifamu ilaachisee jecha ifaatin dubbachuu, mushrikoonni wanta gabbaran ol guddisanii dubbachuu, sirba dhageefachu fi kkf laghw irraayyi.[\[6\]](#)

Gabroonni Ar-Rahmaan dubbii qullaa faaydaa hin qabnetti yoo tasa dhufan ykn itti dhiyaatan, kabajaan bira darbu. â€œKabajaan darbuuâ€• jechuun nafsee ofii dubbii qullaa faayda hin qabne irraa fageessu, itti lixu irraa nafsee ofii ni kabaju. Osoo itti lixuun cubbuu taâ€™uu baateyyuu, wanta faaydi hin qabne dubbachuu ykn hojjachuun gowwummaa akka taâ€™e fi, namummaa fi dhiirummaaf hanqinna akka taâ€™etti ilaalu. Kanaafu, nafsee ofii kanarrraa ol fageessu[\[7\]](#)

Gabroonni Ar-Rahmaan gatii yeroo ni hubatu. Jirenyaa tana keessatti yeroon isaan irra darbu mataa qabeenya isaanii akka taâ€™e ni beeku. Yeroo isaanii wanta faaydan keessa hin jirree (al-laghw) keessatti akka gubattuuf yoo hayyaman, hamma al-laghw keessatti baasaniin mataa qabeenya isaanii bittineessanii ykn balleessanii jiru. Kasaaran kana keessatti kasaaran gonkuma akka bakka hin buufamne ni beeku. Isaan gamnootaa fi warra beekumsa qaban waan taâ€™aniif, kasaaraa bakka hin buufamne kana akka hin kasaarre garmalee tattaafatu. Sababni isaas, umriin daangefamaadha. Namni hojii isa jala darbe hojjachuuf osoo umriin isaa akka tursifamuu hanga fedhe barbaade, gonkumaa hin tursiifamu osoo saâ€™aati takkallee taateyyu. Duâ€™aan booda hojii gaarii hojjachuuf akka deebifamu yoo kadhates, kadhaan isaa fudhatama hin argatu. Inuma ni waqqafama.

Kanaafi, ilmi namaa kasaara keessa akka jiru agarsiisuu Rabbiin azza wa jalla yeroon kakate. Namni bakkuma argetti yeroo isaa bittinreesunakkuma yeroon isa irra darbuun kasaaraa keessatti mucuacaata. Garuu Rabbiin subhaanahu wa taâ€™aalaa warroota kasaran irraa namoota amanan, hojii gaggaarii hojjatan, haqaa fi obsa waliif dhaaman adda baase. Sababni isaas, warroonni kasaaraa jalaa bahan kunniin warroota umrii isaanii daldala buâ€™aa guddaa buusu Rabbii oltaâ€™aa waliin daldaalu irratti

baasaniidha. Dhugumatti, daldalli kuni daldala guddaa guddinna isaa namni yaadu hin dandeenyedha.

Gabroonni Ar-Rahmaan gosoota kana irraayyi. Yeroon isaanii faayda tokko malee gubachuu waan sodaataniif wanta faaydi hin qabne kabajaan bira darbu. Kana keessatti taruun yeroo ofii hin guban, ofis hin xiqqeessan. Namni kabajamaan wanta tokko biraan yoo darbe xiyyefannoo isaa, ykn yeroo isaa ykn humna isaa osoo itti kennin, kana waliinu gogaa fi jabaataa osoo hin taâ€™in, haala salphaa fi laafan bira darba. Itti hin jabaatu, hin gogu, haala laafaa fi salphaa taâ€™een namoota wanta faaydi hin qabne keessatti lixan gorsa. Umriin garmalee qaalii akka taâ€™e isaanitti hima. Kanaafu, wanta faaydi hin qabne keessatti yeroo balleessuun sirrii miti.

Gabroonni Ar-Rahmaan amaloota isaanii keessaa tokko uluwul himmati (Yaanni isaanii garmalee olâ€™aanaa) taâ€™uudha. Yaada ykn kaayyoo ol fagoo waan qabaniif wantoota tufatamoo fi xixxiqoo irraa of ol kaasu. Dhimmoota olâ€™aanoo fi guutuu taâ€™an barbaadu. Dhimmoota tuffatamootti rarraâ€™uun gadi aantummaa nafsee fi yaanni nama kufuu akka taâ€™e ni hubatu. Warri qalbii fi nafsee guddaa qaban kana hin hojjatan. Kanaafi, gabroonni Ar-Rahmaan warra argituu gara karaa olii ol nama kaasutti fudhattuu fi gubbaa olâ€™aanu ilaaltu qabaniidha. Isaan argituu tanaan dubbiin ykn hojiin ykn yaanni faaydi qabne dhimmoota tuffatamoo fi gadi aanoo akka taâ€™an ni argu. Kanaafi, isaan xiqqoo malee yeroo fi humna isaanii irraa wanta faaydi hin qabne irratti hin balleessan.

Jirenya isaanii keessatti dhimmoota duwwaa faydan keessa hin jirre biraan yoo darban, irraa garagalu. Nafsee ofii dhimmoota faaydi hin qabne keessa turuu irraa ni kabaju. Al-laghw wanta faayda hin qabne waliin koâ€™oomu waan taâ€™eef dhimmoota gamnoonni xiyyefannoo itti hin kennineedha. Gabroonni Ar-Rahmaan gamnoota waan taâ€™aniif wanta isaan ilaallatuu fi fayyadu argachuuf garmalee itti futu. Dhaamsa Nabiyii (SAW) hojii irra oolchun wanta isaan hin ilaallanne waliin hin koâ€™ooman [8]

â€¢ Ø¥Ù•Ù†ÙŽÙ· ÙÙ•Ù†Ù' ØÙ•Ø³Ù'Ù†Ù•Ø¥Ù•Ø³Ù'Ù„ØÙŽÙÙ•ØÙ„Ù'ÙÙŽØ±Ù'Ø;Ù· ØÙŽØ±Ù'ÙfÙŽÙ‡Ù•ÙÙŽØÙ„ØÙŽÙŠÙŽØ¹Ù'Ù†Ù•ÙŠÙ‡Ù•â€œâ€œ
â€œGaarummaa Islaama nama tokkoo keessaa wanta isa hin galchine dhiisudha.â€¢ [Jaamiâ€™u](#)
[Tirzimii-2318](#)

Wanti isa hin galchine wanta isaaf ykn nama biraatiif faayda hin buufnedha. Fakkeenyaf, namoota hamachuu, fi kkf. Asitti wanti hubatamu qabu, â€œNamoota waan badaa irraa dhoowwun ykn waan gaaritti ajajuunâ€¢ hadiisa kana keessa hin seenu. Yommuu namni tokko nama biraaw waan gaaritti isa ajaju ykn waan badaa irraa isa dhoowwu, namni lammataa hadiisa armaan oliitti fayyadame, â€œekuni dhimma dhuunfati si hin galchuâ€¢ jechuuni hin dandaâ€™u. Sababni isaas, al-amr bil maâ€™aruufi wa nahyi anil munkari (waan gaaritti ajajuu fi waan badaa irraa dhoowwun) wanta shariâ€™aan itti ajajee fi dirqama godheedha. Wanti shariâ€™aan itti ajaje hundi wanta nama galchuu fi xiyyeffanno itti kennuu barbaachisudha.

Guduunfaa

âž¥â€œAz-Zuurâ€¢ jechuun baaxila, kijibaa fi ragaa sobaati. Baaxilli shirkii, muuziqaa, hojii badaa fi fokkuu biroo of keessatti hammata

âž¥Al-Laghw jechuun wanta faaydaa fi buâ€™aa hin qabneedha.

âž¥Gabroonni Ar-Rahmaan az-zuur irratti hin argaman ragaas hin bahan. Kana jechuun isaan hojii

fokkuu fi kijiba keessatti hin hirmaatan, akkasumas, ragaa sobaa hin bahan. Hojii badaa, kijibaa fi ragaa sobaa irraa fagaachun isaanii waa sadii irraa isaan tiiksa: Adabbii, salphinnaa fi yeroo gubuu. âž¥Ammas gabroonni Ar-Rahmaan wanta faaydi hin qabne biraan kabajaan darbu. Kana jechuun yommuu tasa wanta faaydi hin qabnetti dhufan nafsee ofii kabajanii bira darbu. Yoo dandaâ€™an namoota ni gorsu. Yoo dadhaban immoo irraa garagalanii deemu. Haala kanaan, yeroo isaanii bakka hin taanetti gubuu irraa eegu.

âž¥Gabroonni Ar-Rahmaan sirba (muuziqaa) hin dhageefatan ykn iddo sirbaatti hin argaman. Sababni isaas, sirbii takkaa hojii baaxilaa badiitti nama geessu taâ€™a, takkaa immoo dubbii qullaa faaydan keessa hin jirree taâ€™a. Gabroonni Ar-Rahmaan baaxilaa fi kijiba irratti waan hin argamneef ammas, wanta faayda hin qabne biraan kabajaan waan darbaniif sirba hin dhageefatan ykn iddo isaatti hin argaman.

âž¥Ammas gabroonni Ar-Rahmaan fiilmi fi moovi dubartii fi dhiira makate hin ilaalan. Sababni isaas, fiilmi fi moovin kunniin baaxila hojii fokkuu akka shirkii, sagaagalummaa fi ajjeechaatti nama geessaniidha. Akkasumas, hojii fi dubbii faaydan keessa hin jirreedha. Namni fiilmi fi moovi warra dhiyaa, hindoota, turkoota, araboota fi kan biroo halkanii guyyaa ilaalu faaydan inni argatuu maaliidhaa? Gabroonni Ar-Rahmaan wanta baaxilaa (sobaa) ilaalu irratti yeroo isaanii qaali hin guban.

âž¥Ammas, gabroonni Ar-Rahmaan nama hamachuu irratti yeroo ofii hin dabarsan. Sababni isaas, nama hamachuun az-zuur waan taâ€™eef badittii isaan kuffisa.

âž¥Gabaabumatti gabroonni Ar-Rahmaan umriin isaaniif kennname gabaaba taâ€™uu waan beekaniif Aakhiratti mindaa guddaan milkaâ€™uu fi adabbii jalaa bahuuf: hojii badaa, kijibaa fi ragaa sobaa irraa ni fagaatu. Yeroo isaanii wanta faayda hin qabne irratti hin balleessan. Kana irra, takkaa addunyaatti hojii isaan fayyadu, takkaa immoo Aakhiratti hojii isaan fayyadu hojjatu.

Kitaabban wabii:

- [1] Maâ€™aariju Tafakkuri wa daqaaâ€™iqu tadabburi -6/648
 - [2] <https://www.almaany.com/ar/dict/ar-ar/%D8%A8%D8%A7%D8%B7%D9%84/>
 - [3] Tafsiir Saâ€™dii-687
 - [4] Tafsiiru Xabarii-14/371
 - [5] Maâ€™aariju Tafakkuri wa daqaaâ€™iqu tadabburi -6/652,
 - [6] Tafsiiru saâ€™dii-fuula 687, Tafsiiru Xabarii-17/525
 - [7] Tafsiiru Saâ€™dii-fuula 687
 - [8] Maâ€™aariju Tafakkuri wa daqaaâ€™iqu tadabburi-6/652-654
- Tafsiiru Qurâ€™aanil Kariim, Suuratu Furqaan, fuula 315, Muhammad bin Saalih Useymiin

Date Created

November 12, 2019

Author

admin